

KOMUNIKADU IMPRENSA

Dili, 18 Marsu 2019

DEPUTADU REKERENTE HATAMA REKERIMENTU HUSU NULIDADE BA AKÓRDAUN TRIBUNÁL REKURSU IHA REKLAMASAUN BA LEI ATIVIDADES PETROLÍFERAS

Ohin, 18 de Marsu 2019, deputadu rekerente sira ne'ebé husu pedidu ba fiskalizaun abstrata konstitusionalidade ho legalidade ba alterasaun Lei Atividades Petrolíferas hatama reklamasau ida ba Plenáriu Tribunál Rekursu nian hodi husu nulidade ba akórdaun kona-ba Pedidu Fiskalizaun ba asuntu referidu iha leten.

Deputadu rekerente sira hatama reklamasau ne'e tuir prosedimentu legál sira ne'ebé vigora iha Timor-Leste, ho objetivu atu salvaguarda úniku fundu soberanu Timor-Leste nian, Fundu Petrolíferu, ho forma atu garante katak jersaun atuál ho futura bele simu benefísiu husi Fundu ne'e ho forma ida sustentável.

Dala ida tan, deputadu rekerente sira hein no fiar katak Tribunál de Rekursu no ninia plenáriu sei ezerse sira nia funsau ho forma ida independente, sein kualkér influénsia husi li'ur, nune'e bele garante análise no deliberaun ida ho baze ba Konstituisaun no ba lei sira ne'ebé vigora.

Bankada FRETILIN apela mós ba Governu atu hein desizaun finál husi Plenáriu Tribunál de Rekursu nian antes foti kualkér prosesu levantamentu husi Fundu Petrolíferu, nune'e bele demonstra sira nia étika polítika no kooperasaun institusional entre órgaun de soberania sira iha Repúblika Demokrátika de Timor-Leste.

RAMATA

BA INFORMASAUN LIU TAN, KONTAKTA fretilin.pn@gmail.com